

citur *Fessa* vetus. Est enim & alia urbs quæ *Fessa* nova dicitur, duplici cincta muro altissimo ac munitissimo. *Afgara* regio a Septentrione Oceano abluitur, ab Occasu ad fluvium usq; *Buragragum* protenditur: Orientale latus claudunt Montes *Gumara*, *Zaronij*, & radices Montis *Zalaga*: a Meridie vero fl. *Bunaza* terminatur. Regio plana est, optima Aeris temperie gaudens. Equis & Pecore adeo abundat: ut non modo *Fessa* his abunde provideat, sed etiam omnibus *Gumare* Montibus. Nemora hic rara: Capreolorum tamen atque Leporum magna copia. Fuerunt hic olim Opida & Arces quamplurimæ, sed bellorum injuria major pars deleta est. Opida præcipua sunt *Larissa*, & *Casar Elcabir*, hoc est, Regum palatium. *Habat*, seu *Elabat*, regio clauditur a Septentrione mari mediterraneo, ab Occasu *Algara* Paludibus, a Meridie *Snarga* fluvio, ab Ortum vero Montibus Herculeo Freto vicinis. Regio hæc fecundissima, ac Frugum omnium affluentia beata est, licet olim multo celebrior ac felicior fuerit, propter Civitates antiquissimas, tum a Romanis, tum a Gothis conditas. In ea præstantiores urbes sunt *Arzilla* seu *Azella*, ampla satis, atque a Freto Herculeo circiter lxx. mill. distans. *Tmgis* seu *Tanger*, ampla & antiqua ad Oceani littus posita, & a Freto Herculeo xxx mill. distans. *Septa* seu *Senta* maxima Civitas ad fauces Herculei Freti, olim totius Mauritaniæ Metropolis, ac Hispaniæ æmula, quæ quidem tres Civitates sub Regno Portugalliæ sunt. *Errisa* regio incipit non procul ab Herculeo Freto, & ad fl. usque *Necor*, seu *Hoccora* ad Ortum protenditur: ad Septentrionem prima sui parte, ut testatur Leo, terminatur Mediterraneo Mari, vergitque Meridiem versus ad eos usque Montes, qui *Fessæ* Territorium spectant. Regio hæc prorsus aspera, Montibus frigidissimis plena, in quibus Arborea altissima ac rectissima. Frumentum non producit: Vinearum autem, Ficuum, Oliivarum atque Amygdalarum magnam habet copiam. Armenta hic rara: Caprarum vero, Asinorum atque Simiarum in hisce Montibus magnus reperitur numerus. Opida hic rarissima, Pagi frequentissimi. *Gareti* regio initium sumit ab Occasu, a *Medulo* flumine, & ad fluvium *Mulviam* ad Ortum terminatur, a Meridie Montes ipsam a desertis Numidiæ separant, a Septentrione ad Mare Mediterraneum protenditur. Ager hujus Regionis fragosus, incultus atque aridus. Numidiæ deserto non admodum natura dissimilis: ipsa autem Regio incolis nuda fere est, postquam duas hujus præcipuas urbes *Medelam* & *Chefalam* Hispani occuparunt. *Chaus* ultima *Fessani* regni regio continet tertiam ipsius fere partem; namque in longitudinem exx. mill. patet, nempe a fl. *Zha* ad Ortum, ad fl. *Gurguigara* ad Occasum, in latitudinem vero mill.